

Stephan Hein

**Programma Quo Rector Academiae Rostochiensis M. Stephanus Hein, Ebr. Lingu. Professor. Ad Exequias, Quas Matronae ..., coniugi suae desideratissimae Christinae Kirchners/ Vir ... Dn. Zacharias Sebes, Senator huius Urbis primarius & militiae Praefectus, viduus maestissimus, Hodie circa primam in Templo Mariano paratas cupit, Omnes Academiae Cives officiose ac amanter invitat**

Rostochii: Kilius, 1643


<http://purl.uni-rostock.de/rosdok/ppn771257627>

Druck Freier  Zugang



Hein, St.  
in C. Kirchner,  
uxor. Z. Sebes.  
Rost, 1643.

17.







PROGRAMMA

Quo

RECTOR

Academiae Rostochlensis

M. STEPHANVS HEIN,

Ebr. Lingu. Professor.

AD EXEQUIAS,

Quas

Matrona honestissima, conjugii sua desideratissima

CHRISTINAE

ROSTOCHENSIS

Vir Amplissimus, Prudentissimus ac perquam Serenuus

DN. ZACHARIAS SEBES,

Senator hujus Urbis primarius & militiae

Præfectus, viduus mæstissimus,

Hodie circa primam in Templo Mariano

paratas cupit,

Omnes Academiae Civis officiosè

ac amanter invitari



ROSTOCHII

Typis NICOLAI KILII, Acad. Typogr.

ANNO M. DC. XLIII.

88

**S**Inviolabilis ille & abscon-  
ditus factorum ordo, qui suas cuiq;  
assignat metas, responderet huma-  
ni pectoris desiderio, & cum optatis  
mortalium nunquam non conspiraret, non jam  
hodiernâ die honestissimæ Matronæ CHRISTI-  
NÆ Kirchners obitum lugeremus. Neq; Amplif-  
simus ac Prudentissimus Vir DN. ZACHARIAS  
SEBES, &c &c, viduatus dimidio vitæ suæ, ani-  
mum gereret justî mæroris plenum; neq; suavif-  
sima Proles tam anxie desideraret, & serio  
DEOS posceret genitricem dulcissimam; neq;  
omnes amici lugerent ademtum sibi omnium  
fæminearum virtutum exemplar. Sed eheu!

*Non semper ambulant eandem semitam*

*DEI voluntas stabilis, atq; arbitrium mortale!*

Præter omnem spem & expectationem evenit  
quod in flore & vere ætatis subtractum sit rebus  
mortalium fæminei sexus decus, delictum mari-  
ti, dulce liberorum decus; cui animitus optasse-  
mus ut de nostris annis Supremus vitæ Arbitrarius ad-  
didisset annos, ut non solum videret assurgentia

in

in spem laudis pignora chara sui; sed etiam pro-  
lixâ serie viva valensq; numeraretur.

*Natorum natos & qui nascuntur ab illis.*

Sed hæc sunt divinæ providentiæ secreta consilia,  
ad quæ caligat & obstupescit humani ingenij a-  
cies: quæ mortales miseros submissè potius mi-  
rari, quam curiosè rimari decet. Nostrum erit  
saltem non solum acerbo mæroris sensu conte-  
stari, devotum obsequium erga lectissimam Ma-  
tronam, sed etiam religiosâ veneratione profe-  
qui memoriam ejus. Quam hæc Urbs Rosto-  
chium prodeuntem in luminis hujus morta-  
les auras blando complexu felici omine pri-  
mulam excepit Anno reparatæ salutis 1614.  
Patre Viro Honestissimo ac Integerrimo DN.  
NICOLAO Kirchner / Cive & negotiatore  
primario, Matre fæminâ pietate & alijs virtu-  
tibus conspicuâ ANNA Gusebers; Avo Pater-  
no MARTINO Kirchner Mercatore hujus Ci-  
vitatiss; Aviâ paternâ ANNA Duncfers; Avô  
Maternô Viro Amplissimo, & Prudentissimo  
DN. HENRICO Guseber / Senatorij Ordinis  
Viro primariô, Aviâ Maternâ ANNA Nettel-  
blades fæminâ honestissimâ. De tam præclaris  
parentibus poterat quidem gloriari piè defun-  
cta matrona; sed maluit propriis virtutibus



splendorem generis illustriorem reddere. Quamobrem adultior facta tanquam egregium sydus tam præstantibus animi dotibus & ornamentis crevit, quam corporis decenti pulchritudine. Qui alterutro horum ornatus incedit, nã habet is de quo gloriari queat; Qui utroq; is Dijs æmulus inter homines primi census ac dignitatis seponere non erubescat. Talis fuit piæ memoriæ **CHRISTINA Kirchners** / immane quantum differens ab iis, quæ exterius membrorum decus & speciem nativam collutulant interioribus animi navis & turpitudinibus. Numinis divini assiduus cultus: erga parentes, maritum reverentiæ: erga pares modestia: erga inferiores comitas: pudicitia illibata custodia: temperantiæ jugestudium: ocij ac desidia fuga: hæc fuisse & id genus aliæ virtutes, quarum possessione religiosè defuncta etiamnum juvencula, supra alias Virgines ac fæminas eminuit. Itaq; honestissimo natalium splendore, tantis naturæ privilegiis, tantò animi cultu insignem & præstantem Nympham non constituerat Cælum reservare nisi simili viro. Hinc inter eam & Amplissimū & Prudentissimū Virum **D. N. ZACHARIAM SEBESSEN** Senatorem hujus Urbis & militiae præfectum, (quem ut **DEUS OPT. MAX.** diutissimè ac felici-

felicissimè mortalium consortio convivere patiatur, animitus vovemus,) æther ipse copulavit fortunatas nuptias. Annus erat 1634. dies 26. Augusti, quo matrimonium inter præclarum hoc conjugum par sociali fædere inibat, urbis hujus auspiciò omine, Civium prolubio solemnè. Non arbitror ex usu esse ut recenseam vobis suavissimum illum animorum consensum, illum amoris conjugalis ardorem, illam sinceritatem, illam fidem, Cœlum ipsum omnium horum testis est, & quodlibet ingenuum pectus conscientiam suam interrogans. Heu mihi! quam multæ fæminarum imitantur specula prava, quæ læti hominis imaginem tristem, tristes lætam exprimunt. Piissima CHRISTINA Kirchners/ marito suo hilari lætitiã, mæsto ægritudinem sociam adjunxit. Piissima CHRISTINA curas quæ in maritum inclinatæ recumbebant, in partem jovit sapiente consilio, industrio conamine, fide non minori quam olim Porcia filia Catonis usa est erga virum suum M. Brutum. Quod pleriq; conjugum optare & votis pacisci solent, ut se ipsos videre & facere possent pulchrâ prole parentes, ea bona fortunæ etiã in hoc matrimonio his conjugibus evenerunt Non fuit thorus eorum sterilis neu infæcundus. Donavit

eos DEI omnipotentis clementia progenie patrinx pariter ac matrx virtutis æmulâ, quinque nempe liberis, duabus filiabus ANNA, (cui implacabilis Parca fere ante annum nimis propero pollice filium Vitæ præcidit) & CHRISTINA; tribus filiis JOANNE, ZACHARIA & JOACHIMO qui in hunc usq; temporis articulum ducunt integræ juvenilia tempora vitæ. Etsi verò hæc sua clarissima pignora ad omne decus principale, ad virtutes sedulo educari curavit laudatissima fæmina, atq; inde lætissimam segetem expectaret, speratamq; virtutum fæcunditatem jam in herbâ esse cereret summâ animi voluptate; tamen non fuit proh dolor! hæc fælicitas diuturna, non fuit hoc oblectamentum perpetuum: In medio curriculo vitæ & annorum, pernicialis febris cû tussi ex transverso illam incurrit, Et cû jam satis antea exercita esset doloribus recentis paritudinis, non potuit superare Morbi hujus vehementiam, ultimumq; vitæ terminum instare piissima matrona non obscure animadvertit. Quam ob causam mentem & omnia sensa unicè defixa habuit in misericordiâ DEI, in merito & satisfactione Servatoris nostri, & ante paucas septimanas salutari Corporis & sanguinis JESU viatico, à Reverendo  
Dn. M.

Dn. M. CHRISTIANO MICHAELIS Pa-  
store ad Templum Jacobæum dignissimo cibata,  
æquabilem sui modum, in novissimo certami-  
ne, quo viri etiam fortes de statu tranquillitatis  
deturbari solent, summâ fidei constantiâ pe-  
ctus munitum habuit, ut nullo mortis metu visa  
fuerit percelli. Hac fiduciâ & spe perennis glo-  
riæ, tanquam loricâ quadam indutus animus,  
memor prisçæ nobilitatis & divinæ originis, pla-  
cido secessu ex terrestri suo habitaculo emigravit  
ad sydera, postquam hic vivendo explevisset 29.  
annos, Et sic inbeatorum collegium allecta est,  
Spiritu reddens cælo, exuvias telluri relinquens.  
Quæ cum hodie ad horam primam efferrî ad tu-  
mulum in Templo Mariano paratum debeant,  
in quo expectabit resurrectionem, cum æter-  
nus æterni DEI filius veniet jura fatorum,  
daturus vivis & mortuis, Vos Cives Academiæ  
officiosè ac amanter invito, ut eas comitari, su-  
premoq; eis humanitatis officium, tum animi  
affectu tum præsentî ac frequenti comitatu exhi-  
bere velitis. Date hoc mœstissimo marito præ-  
clarissimè de hac Urbe promerito, date afflictæ  
proli, ac lugentibus amicis. Deum rogamus sup-  
pliciter ut Amplissimum Viduum ejusq; proge-  
niem


niem, jã matre orbatã, efficaci consolatione eri-  
gere, & singulis animi acerbũ luctum lenire, velit  
nec medicinã ac levamentum tantæ ægritudinis  
largiri intermittat æternus ille solator Spiritus,  
qui afflictis mentibus gratam requiem & optata  
gaudia afflat; & ut etiã oculos suæ clementiæ de-  
super flectere ad ærumabilem faciem & condi-  
tionem tum hujus Provinciæ tum totius Germa-  
niæ dignetur, & fulgere in diebus nostris solem

aureæ pacis ac tranquillitatis permittat. P. P.  
Rostochij Sub Sigillo Universitatis die  
15. Maij A. D. 1643.

*Conventus fiet hodie hora primã in  
Templo Jacobo.*













felicissimè mortalium consortio con-  
tiatur, animitus vovemus,) æther ipse  
fortunatas nuptias. Annus erat 1634  
Augusti, quo matrimonium inter præ  
hoc conjugum par sociali fædere iniba  
hujus auspiciatõ omine, Civium prolu  
mni. Non arbitror ex usu esse ut recense  
suavissimum illum animorum consensu  
amoris conjugalis ardorem, illam sine  
illam fidem, Cœlum ipsum omnium  
testis est, & quodlibet ingenuum pecc  
entiam suam interrogans. Heu mihi  
multæ fæminarum imitantur specula  
læti hominis imaginem tristem, tristis  
primunt. Piissima CHRISTINA  
marito suo hilari lætitiã, mæsto ægr  
sociam adjunxit. Piissima CHRIS  
curas quæ in maritum inclinatæ recur  
in partem juvit sapiente consilio, indu  
mine, fide non minori quam olim Po  
Catonis usa est erga virum suum M  
Quod pleriq; conjugum optare & vo  
solent, ut se ipsos videre & facere p  
chrâ prole parentes, ea bona fortunæ  
matrimonio his conjugibus evenerun  
thorus eorum sterilis neu infæcundus.

B 3

